
Г Э Р

ПИРИЛЫДЖЫЯ БЕЗЛЮДСКО



**ГОСУДАРСТВЕННОЕ
МЕДИЦИНСКОЕ ИЗДАТЕЛЬСТВО**
Москва — 1933 — Ленинград

115

Г Э Р

ПИРИЛЫДЖЫЯ БЕЗЛЮДСКО

Г.П.Б. в Лягр.

Ц. 1934 г.

Акт. № 81

ИЧВ,

№

27



ГОСУДАРСТВЕННОЕ МЕДИЦИНСКОЕ ИЗДАТЕЛЬСТВО
МОСКВА — 1933

Манушэскири цыпа могискирэла тэ занасвалёл разнэ заразноэнца насвалыпнанца. Цыпакирэ насволыпэна сы заразна и на заразна.

Заразна насвалыпэна локхэс могыскирэна тэ пиридэнпэ насвалэ манушэстыр здравонэскэ пирдал васта, рушничко, мочалка, шэрандуны и ваврэ предметы.

Мэлалы штуба, кхэтаны пасиибнаскири, мэлалэ гада лыджяна ко рокхуибэн заразна насвалыпэна мэл прэ производство и дро быто лыджяла ко рокхуибэн бутэн заразна насвалыпэна, а адякэ жэ и кэ насвалыпэн гэраса.

Марибэн пало жужыпэн и пало санитарно блогоустройство дро форья, бутяритка посёлки, совхозэ тэ колхозэ тэрдёла екхэса амарэ важнонэса задыбнаса,

Дро 1931 бэрш июньско плэнумо ЦК ВКП(б) прилыя решэниё ваш социалистичэско пирикэрибэн дро форья СССР, ваш лэнгиро осастякирибэн, ваш кэрибэ паныпро-лыджяибэ тэ канализация, ваш кэрибэ лазни

тэ штубы пирэ морибэ гада, ваш розлыджайбэ парки тэ сады, ваш кхэритко строительство, ваш рикирибэн дро жужыпэ гасы, грэды и о штубы. Адалэ плэнумоскирэ ЦК ВКП(б) решэнии рикирэна дрэван барэ значениё дро рэндо пирэ осастякирибэ бутитконэнгиро джиибэн на токо дро форо, нэ и дро гав. Комунистическо партия тэ советско власть тходэ дрэван буглэс пучибэн ваш культурно пирикэрибэн бутитконэнгиро джиибэн. Выкэрибэ адава пучибэн пролыджялапэ дро джиибэн. Пало прогэнэ дэшупандж бэрш амэ дорэстям дрэван барэ успехи дро рэндо соцыалистическо стрительство.

Бугло роскхуибэн дрэ соцыалистическо промышленность, обкхэтаниякирибэн (коллективизация) гавитко хулаибэн создынэ основа ваш бугло пролыджяибэн санитарно-осастякирибнытко буты.

Пленумоскирэ ЦК ВКП(б) решэниё акакана пролыджянапэ дро джиибэн активнэ учястиёса сарэ бутяритконэ обшшественно-сяса, сарэ бутитконэн.

Соса бутэдыр авэла бутитконэнгири активность дро рэндо санитарно осастякирибэн дрэ амари рига, одолэса сыгэдыр авэла хаськирдо наследие пхуранэ бэршэндыр — на-культурност тэ мэл дрэ амаро быто. Кхэтанэ

адалэса одолэса сыгэдыр авэна хаськирдэ
заразна насвалыпэна, а адякэ жэ и э гэр.

Бутитка рома прилэна Хачкирдо учястие
дро соцыалистическо строительство дрэ ама-
ри рига, а адякэ жэ прилэна учястие дро
крэнтэ пирикэрибэ пхурано джиибэн. Фэл-
дытка рома тырдэнапэ ко нэво джиибэн.

Октябрьско рэволюция розджингадя ко
нэво джиибэн буг народности, савэ дживэна
акакана дро СССР. Рома савэ саро пэскиро
джиибэн лодынэ пиро фэлды таборэнца, пи-
риджяна ко екхэштэтытко джиибэн. Рома-
ночяво, сыр и сарэ бутитка прилэла учястие
дро роск уибэн соцыалистическо-промыш-
леность, дро строительство соцыалистическо
хулаибэн. Рома бутякирэна про барэ заводы;
создэнапэ тэ бутякирэна романэ колхозы.
Романо тэрныпэн сыклёла дро школы, дро
фабзавучи, попхэрдякирна комсомолоскирэ
ряды, попхэрдякирэла партиякирэ ряды.

Кхэтанэ адалэса дрэван крэнтэс спарувэ-
лапэ и ромэнгиро быто. Быго тэрдёла куль-
турнонэса. Дро быто отлыджялапэ баро штэ-
то заботакэ ваш жужыпэн, ваш здровима.
Э осостякирибнаса дро быто хасёна насва-
лыпэна, савэ сы спхандлэ э блатаса тэ наку-
льтурнонэсяса. Екхэса э адалэ насвалыпнан-
дыр тэрдёла насвалыпэн гэр.

Гэр отлыджялапэ кэ адасавэ насвалыпэна, савэ на могискирэна тэ розлыджямпэ, коли мануша зракхэна (пролыджяна) лично тэ обшшественно гигиенакирэ правила, коли прэ производство и дро бутитконэнгиро быто пролыожялапэ санитарно минимумо, ваврэ лавэнца тэ пхэнэс, коли пролыджянапэ сама проста санитарно-осастякирибнытка мероприя ии

Совэтско власть прилэла саро кэ одова, собы тэ хаськирэс заразна насвалыпэна дро вавир панджбэршытко. Адава могискирдо сы тэ выкэрэс про основа выкэрибэ задыбэна ваврэ панджбэршытконэс — кэрибэ би-класово соцыалистичэско обшшество.

Кажно ром бутяри, колхознико банго тэ авэл санитсрно-лылварэса, банго тэ джинэл, сыр пиридэнапэ заразна насвалыпэна, а адякэ жэ и цыпакирэ заразна насвалыпэна. Кажно бутитко ром банго тэ роскхувэл дрэ пэстэ састякирибнытка навыки, савэ трэби ваш одова, собы тэ зракхэспэ адалэ насвалыпнастыр и собы занасвалыи кокорэскэ на пиридэ ваврэ са тэ манушэскэ. Бутитко ром банго тэ джинэл, со и адасаво насвалыпэн сыр гэр, могискирэла тэ приянэл баро на лачипэ (ушшербо) ваш амаро производство. Гэр отлэла зор бутяристэ, тыкнякирэла бутярискири способность дро буты.

Трэби адыкэ жэ тэ джынэс главна признаки
бутэндыр розлыджимэ заразна цыпакирэ нас-
валыпэна, собы дро пэскиро времё тэ ура-
кхэспэ адалэ насвалыпнандыр. На джины саро
адава адасаво насвало могискирэла тэ рики-
рэл зараза и тэ пиридэл адая зараза вав-
рэнгэ.

Редакция.

Состыр кэрэлапэ гэр

Гэраса занасвалёна одолэстыр, со прэ манушескири цыпа попэрэла дрэван тыкнинько джидо сушшество кхарэлапэ ёв гэрало (чесоточно) клешшё, саво розлыджялапэ прэ жывононэнгиро трупо (джюкэл, мыца, балычё, грай).


Адава клешшёскиро трупо сдэла прэ одолэ клешшендэ, савэ розлыджянапэ прэ растении и впьенапэ кой-коли дрэ манушэскири цыпа, нэ барипнаса гэрало клешшё про бут тыкнэдыр. Гэрало клешшё про бут тыкнэдыр пушуматыр, и коли тэ роздыкхэс лэс простонэ якхаса, то ёв сыкадёла сыр бы набарэ крупинкаса.

Собы шукир тэ роздыкхэс адава клешшё, учёна лынэ тэ роздыкхэн лэс пирдал особо убарьякирдо (увеличительно) стэкло саво кхарэлапэ — лупа. Лупа убарьякирэла предметы дро бут молы (патрин 1).

Пирдал лупа могискирдо сы тэ удыкхэс, со исы машкир гэралэ клешши тыкнэ и барэ

клешши. Тыкнинька клешши — адава сы самцы. Барэ — адава сы самки.

Прирдал лупа гэрало клешшэ на сыкадэла ужэ крупинкаса. Адай амэ дыкхаса, со хоть ёв дрэван тыкно, нэ лэскиро устройство сы сложно тэ любопытно. Ангил амэндэ акака-




Патрин 1.

на на сыго двигинэлапэ на чячюнэ формаса насекомо, саво сдэ а прэ набарэ жучкостэ. Насекомо адава и исы гэрало клешшэ (патрин 2).

Э англатунэ клешшэ-кирэ туловишшескрэ краёстэ исы набаро шэроро. Про шэроро дыхнэ сы жанды (челюсти) э муштацэнца (усэнца), здэла прэ раково клешня, а про пэроро сы штар пары гэрорья. Про гэрорья исы присоски. Помимо адава саро клешшэ-киро трупэ гэнстэс учякирдо шыпэнца. Кле-

шшѐ — самцо рикирѐла примѐрнѐс адасавожѐ устройство, сыр и э самка, нѐ токо ѐв, сыр исыс ужѐ пхѐндло, про бут тыкнѐдър латыр.



Патрин 2.

Дро насвалякири-бѐн 1 ѐраса главно врѐдо приянѐла клешшѐскири самка, самцо жѐ рикирѐла второстепено значениѐ. Попѐри про манушѐскиро цыпакиро упратыбѐ, гѐрало клешшѐ — самцо оплодотворинѐла екха или варикицы самки и сыго послѐ адава кокоро мурдѐла. Самка жѐ при-


лѐлапѐ пал пѐскири разрушѐтельно буты — ѐй вѐлапѐ и родѐла дрома дрѐ цыпа.

Сыр роскхувѐлапѐ гѐр

Коли оплодотворѐно гѐралѐ клешшѐскири самка попѐрѐла прѐ манушѐскири цыпа, ѐй на мурдѐла адай, сыр самцо, и на ачѐлапѐ тѐ дживѐл прѐ цыпакиро упратыбѐ, а прокѐдѐлапѐ дрѐ цыпакиро хорѐпѐн.

Пѐскирѐ жандѐнца, савѐ сдѐна прѐ ракос-

кирэ клешни, самка сыго пропусавэла цыпакиро упратуно слоё: На сыго гэи ангил, ёй прокэрэла дрэ цыпакиро грубима длэнго дром. Пиро адава дромэскиро длэнгима ёй отчавэла рядэнца парнорэ, мэлалякири дром



Патрин 3.

пэскирэ испражненииенца (патрин 3). Отчёви бишь — трианда парнорэ, самка тэрдёла пашыл короро дромэскиро концо и мурдёла.

Машкир одова парнорэ, савэ клешшёскири самка отчидя ро гэрало дром, постепенэс кэрэнапэ личинкэнца. Личинки выджяна ада-лэ дромэстыр про цыпакиро упратыбэ и адай, змэки набаро времё, кэрэнапэ кокорэ клешшенца. Про кэрибэн гэралэ клешшёс-

кирэ парнорэндѳр тэрнэн клешшен трэби
эфта-дэш дывэса.

Тэрнэ самки пролыджяна одоя жэ вредно
буты: ёнэ пропусавэна цыпа, кэрэна нэвэ
дрома и отчивэна парнорэ. Окэ адякэ дро
екх чён клешшёскири самка могискирэла тэ
дэл примэрнэс милионо клешшен.

Насвалыпэн сыго ро́кхувэлапэ, гэи пир
саро трупо. Клешшёскиро псирибэн дрэ цыпа
выкхарэла зорало зудо насвалэ манушэстэ.
Пир адава зудо могискиро сы тэ галёс, со
мануш занасвалыя и кэрдяпэ гэралэса. Ада-
ва зудо про адакицы зорало, со насвалэ зо-
ралэс росхарувэна пэскэ цыпа.

Дро татыпэн клешшёскири самка тэрдёла
активнэдыр. Адалэстыр зудо дрэ гэр дрэван
зоралэдыр кэрэлапэ пиро ратя, дрэ постель.

Росхаруипнастыр цыпа дро бут штэты кэ-
рэлапэ воспалёно, прэ латэ сыкадёла сыпь
набарэ пузырькэнца и нарывэнца.

Коли насвалыпэн сы замэчно, сыпь моги-
скирэла тэ розджялпэ пир саро трупо, помимо
шэро, кай гэр обычнэс на кэрэлапэ. Коли
жэ насвалыпэн токо со залыяпэ, то сыпь за-
лэла определёна штэты, кай ёй сы гэнстэдыр.
Адава одолэ штэты, кай цыпа саны и неж-
но, ваш примеро машкир ангуштя (пальцы),
дрэ кунякиро збангирибэн, про пашварэ, про

полова органы. Адай клешшёскирэ самки скэ-
дэнапэ дрэван бут. Адава и полыно сы: дрэ
адалэ штэты лэнгэ локхэдыр тэ пропусавэн
саны цыпа, тэ закэдэнпэ маширал цыпа и
тэ кэрэн дрома, собы тэ отчивэн парнорэ.
Пир адасави сыпь сыгонэ дыкхибнаса про на-
свалэскиро трупо састыпнытко (врачё) сыго
уджиинэл гэр. Дурэдыр зудо тэрдёла зоралэ-
дыр. Насвало нипристанэс росхарувэла пэскэ
цыпа, про трупо дыкхно сы росхаруипэн.
Гнойнички, пузырьки и учякирдэ клешше-
нца дрома разрушынэнапэ и учякирэнапэ
ратунэ коркиценца. Помимо одова то адай,
то одой осыкадэнапэ свежа дрома и росха-
руипэна, савэ дрэван чястэс учякирэнапэ ро-
паса (гноёса). Отэнчя саро трупо могиски-
рэла тэ учякирэлпэ ропакирэ сыпяса. Кой-
коли цыпа кэрэлапэ воспалёно и дро бут
штэты. Дрэ адасавэ случаи кхэтанэ гэраса
залыджялапэ нэво насвалыпэн — экзэма, дрэ
сави цыпа зоралэс лолёла и киндёла.

Окэ адыкэ коли гэр сы замэкны ёй пару-
вэла пэскиро дыкхибэ. Нэ и адай дро лачё
роздыкхибэ насвалэс тэ розгалёс гэр на
пхаро, особенэс коли насвало жалисолапэ про
баро зудо и ракирэла, со пиро ратя адава
зудо инке бутэдыр зоралёла.

Сталобыть пиро сыпякиро дыкхибэн, ла-

кирэ штэты, пиро зарало зудо, саво зоралёла пиро ратя, дрэван локхо сы тэ розгалёс гэр.

Собы тэ — аченпэ ни савэ думы, отродэна гэрало клешшэ. Лэс латхэна обычнэс дро гэралэ дрома, дро цыпакирэ складки машкир ангушты или про полова органы. Лэс могискирдо сы тэ вытырдэс одотхыр особенэс сувьяса, и чёви про стэклыцо, тэ роздынхэс пирдал лупа.

Сыр насвалёна гэраса

Собы тэ занасвалёс гэраса, доста екхэ клешшэскирэ самкакэ тэ попэрэл прэ манушэскиро трупо. Пэскирэ псирибнаса дрэ цыпа клешшэскири самка выкхарэла зорало зудо; мануш зоралэс росхарувэла цыпа и разрушынэла гэракирэ дрома; адай клешши попэрэна лэскэ про васта, про ангуштя, тэлоная и ад. дур.

Коли састэ мануша соприкасаются э гэралэ насвалэса, ваш примеро пирдал васт или пасии лэса дрэ екх постель, гэралэ клешши логхэс пириджняна прэ лэндэ и выкхарэна гэр.

Логкхэдыр сарэстыр гэр пиридэлапэ, коли совэна дрэ екх постель э насвалэса. Окэ со-

стыр явэна бут случаи коли пиридэлапэ пирэ манушэндэ дрэ ири.

Амэ ужэ ракирдям, со гэрало клешшэ обычнэс дживэла одой, кай цыпа нежно. Чяворэ дрэван восприимчива кэ гэр, адякэ сыр лэнгири цыпа дрэван саны и нежно. Бутэдыр сарэстыр насвалы гэралыпнаса дай насвалякирэла адалэ насвалыпнаса чяворэн — и колынытконэн и по пхурэдыр. — пасии лэса кхэтанэ прэ екх пасиибнытко. Кокорэ чяворэ адякэ жэ локхэс занасвалёна екх екэхстыр гэраса дро кхэлыбэна.

Гэраса занасвалёна и кай савэ кхэритка животнэ, ваш примеро мыца, джюкэл, балычэ, грай. Адасавэ насвалэ животнонэндыр дро бут случаи занасвалёна гэраса и о мануша.

Коли насвалэ росхарувэна пэскири цыпа гэралэ клешши могискирэна тэ попэрэн про гада, прэ постель, рушничко, дёжа и про ваврэ предметы, а лэндыр прэ састэ манушэндэ. Окэ адякэ гэр могискирэла тэ пиридэлпэ и пирдал занасвалякирдэ предметы. Исы случаи коли адава насвалыпэн подухтылэлапэ дрэ лазня, кай гэр пиридэлапэ пирдал занасвалякирдэ чюжа мочялки, гуски.

Исы случаи, со цэло ири, сави дживэла дрэ екх штуба, насвалёла гэраса.

Кэрэлапэ и адыкэ, со ко састыпнытко при-
лыджяна екхэс или дуен чяворэн ирятьр,
обычнэс самонэ тэрнэн, одолэстыр со лэндэ
гэр джяла пхарэдыр, дэла бут осложненин,
ёнэ бутэдыр мэнчинэнапэ э зудостыр, дэна
годла пиро ратя и на дэна покоё барэнгэ
манушэнгэ. Э распучибнандыр састыпнытко
уджинэла, со сари ири мэнчинэлапэ зудоса
и харувэлапэ и на джинэла со сарэ сы нас-
валэ гэраса. Дрэ адасавэ случаяи трэби точ-
нэс тэ выгалёс, кичы манушэн дрэ ири
занасвалыя. Трэби адава ваш одова, собы
тэ састякирэс сарэн дрэ екх времё, адыкэ
сыр на кэри адава могискирла тэ явэл одова,
со одолэ кон высастыя, нэ занасвалёна
одолэндыр, конэс на састякирдэ. Дрэ ада-
савэ случаяи гэр на сыго хасёла гэралэ ирятьр.

Сыр тэ зракхэс пэс гэратыр

Джины, сыр пиридэлапэ гэр, локхэс латыр
тэ уракхэспэ; трэби токо тэ надэс джиибэн
прэ пэскиро трүпо гэралэ клёшшёскэ.

Ваш адава трэби тэ рикирэс жужыпэ
пэстэ дрэ штуба, тэ псирэс на тыкнэдыр
екхэ молостыр дро дэш дывэс дрэ лазня
и тэ пириурьес гада, тэ на пользынэспэ
чужонэ постеляса, рушничкоса, а особенэс

губкаса и мочялкаса. Трэби, со бы кажно
рикирдя пэскири губка или мочялка тэ пэс-
киро рушники.

Трэби бы адыкэ жэ совсем тэ отпарувэс
вастподыбэна (рукопожатия), адыкэ сыр адай
инке помимо гэр могискирдо тэ пирилэс
бутэдыр трашанэ насвалыпэна — трахома, си-
филисо, трипэро и бут ваврэн. Трэби тэ
пхэнэс, со гэр залыджялапэ англэдыр сарэ-
стыр про васта.

Окэ адалэстыр трэби бутэдыр тэ морэс
васта, тэ и саро трупо. Панеса локхо сы тэ
зморэс гэралэ клешшен, покэдо ёнэ сы уп-
рал цыпа. Кэ одова жэ блататыр цыпа кэрэ-
лапэ набут чювствительно, и мануш рикири
пашыл пэстэ тэ прэ пэскиро трупо мэл-блата
промэкэла насвалыпнаскиро начяло. Угалёла
ёв гэр лишь отэнчя, коли гэр лэстэ зоралэс
сы роскхуды. Окэ состыр кажнонэскэ сы
важнэс тэ придыкхэс пало жужыпэн пэс-
киро трупо и дрэван пало жужыпэн тыкнэ
чяворэн.

Дро набаро зудо или сыпь, особенэс коли
адая сыпь про васта, машкир ангуштя, про
полова органы или про ваврэ штэты э неж-
нонэ цыпаса, трэби тэ дэс дума на занасвалы-
ян ли гэраса; трэби тэ роспучес сарэн дрэ
штуба, нанэ ли и лэндэ зорало зудо. Сыр

токо набут выгалыпэ гэр трэби сарэнгэ екхатыр тэ джян ко састыпнытко.

Собы тэ на занасвалёс гэраса э кхэрит-конэ животнонэндыр, особено грэндыр, трэби тэ псирэс пал лэндэ, тэ морэс, тэ жу-жакирэс и тэ састякирэс лэн дро фэрлоти.

Коли чилазэна животнонэс нангэ вастэнца трэби шукир тэ морэс кажно моло васта.

Сыр тэ састякирэс гэр

Тэ высастякирэс гэр сы напхаро. Нэ лок-хэс и простэс тэ састякирэс ла дро само начяло, покэдо насвалыпэн на замэчно, покэдо нанэ пхарэ осложнении тэ гэракирэ последствий: гнойники тэ экзэма. Коли вы-сыкадынэ адалэ осложнении, гэр тэ састяки-рэс ужэ пхарэдыр. Адай трэби ужэ бутэдыр времё и терпение сы састыпнытконэскэ, адыкэ и э насвалэскэ.

Хоша гэракиро састякирибэн на дрэван сложно, нэ ни коли на трэби тэ кэрэс адава кокорэскэ. Парамыси савэ — наяви „пхурья“ или зумаибнаскирэс рэндоскэ на помогис-кирэна. Тэ угалёл гэр могискирэла токо састыпнытко. Чячюнэс тэ састякирэс ла адыкэ джинэла токо састыпнытко. Начачюно састя-кирибэн затырдэла насвалыпэн, выкхарэла

пхарэ осложнении и приянэла екх вредо. Ваш чячюно састякирибэн гэр састыпнытконэса, коли на замэкно, трэби саро прэ саро трин — шов дывэса.

Састякирибэн сы дрэ одова, со трин — штар дывэс тэло рядо злокоса и бельвеляса втриинэна дрэ саро трупо, помимо шэро, специально мазь. Мазь адая умарэла клешшен. Отэнчя насвало шукир выморэлапэ дрэ лазня и урьела жужэ гада. Пости адава трэби инке моло тэ сыказэспэ састыпнытконэскэ, со бы ёв пригалыя, со насвалыпэн высастякирдо сы.

Обычнэс, коли насвало чячюнэс выкэрэла сарэ усыкаибэна, то гэр высастякирэлапэ екхатыр. Коли жэ састякирибэн кэрэлапэ набрежнэс, то приджялапэ тэ састякирэс инке моло. Нэ адава кэрэлапэ редкэс, адякэ сыр насвалыпэн бутэдыр сарэстыр екхатыр поддэлапэ састякирибнаскэ.

Наволочки, простыни, рушники и вазир гада, савэнца пользындяпэ насвало жыко састякирибэн, трэби тэ пирипарувэс и тэ вытриинэс, обязательнэс тэ прокэравэс (прокипятить) лэс шукир. Трэби тэ рипирэс, со прэ саро адава инке дживэла гэрало клешшэ, саво нэвэс могискирэла тэ пириджял прэ высастякирибнаскирэстэ ужэ гэратыр ману-

шэстэ. Жыко трийбэн гада гэралэскирэ
трэби тэ рикирэс и тэ раххэс отдельнэс.

**Со трэби тэ джинэс собы тэ уракхэспэ
адалэ насвалыпнастыр**

1. Гэр-заразно насвалыпэн.

2. Гэраса могискирдо сы тэ занасвалёс э
гэралэ насвалэндыр манушэн и кхэритконэ
животнонэн.

3. Гэр выкхарэлапэ тыкнэ насекомонэса,
кхарэлапэ гэрало клешше.

4. Гэрало клешщё пропусавэла дрома дрэ
амаро цыпакиро хорипэн и отчивэла дрэ
адалэ дрома парнорэ, савэндыр пирдал эфта
дывэса кэрэнапэ тэрнэ клешшенца.

5. Главно гэрало признако-зорало, узорья-
кирдо пиро ратя зудо.

6. Откэрэлапэ гэр дро штэты, кай цыпа
саны: машкир ангуштя про васта, дро куня-
киро сбанкирибэн, про полова органы.

7. Занасвалёна гэраса пирдал соприкосно-
венийэ э гэралэ насвалэса (вастподыбэ или
соибэн дрэ екх постель), коли урьена гада
и дёжа насвалэнгири. Могискирдо сы тэ
занасвалёс гэраса и насвалэ гэраса живот-
нонэндыр (мыца, джюкэл, грай).

8. Дро бут случаяи гэр насвалякирэла екха-

тыр сари ири или варикицы то манушэн дрэ ири.

9. Собы тэ уракхэспэ гэратыр, трэби бутэ-дыр тэ морэс васта, тэ псирэс на тыкнэдыр екхэ молостыр дро 7—10 дывэса дрэ лозня и адай жэ тэ парувэс гада.

10. Вастподыбнастыр трэби тэ отсыклёс, адякэ сыр пирдал адава пиридэлапэ на токо гэр, нэ и бут ваврэ насвалыпэна.

11. Тэ морэс, тэ жужакирэс и тэ састякирэс кхэритконэ животнонэн трэби дро фэрлоти. Коли лыямпэ палэ животнонэстэ нангэ вастэнца трэби шукир тэ выморэс васта.

12. Назамэкны гэр могискирдо сы тэ высастякирэс дро 3—4 дывэса.

13. Тэ састякирэс гэр трэби токо састыпнаскирэстэ и обязательнэс дро екх времё сарэ насвалэнгэ ирятыр.

Дро тагаритка бэрша гэр исыс дрэван разлыджины. Ко роскхуибэ гэр лыджия санитарно билылварипэн, кхэтано билылварипэн тэ на культурность и пхарэ экономическа услови дрэ савэ джиндлэ бутярья тэ крестьяны дрэ тагаритко Россия, а кхэтанэ адалэса гэр латхэлас пэскэ лачё штэто ваш роскхуибэн дро романэ таборы, кай рома джиндлэ дрэ блата и дро билылварипэн. Сарэ

бутитка, а адякэ жэ и о рома на полэнас и на джинэнас состыр залыджанапэ заразна насвалыпэна и сыр лэндыр тэ зракхэспэ. Посли октябрьско революцыя советско власть роскхудя бари буты пиро хаськирибэ кхэ-тано и санитарно билылварипэн, полыджия марибэ пало жужыпэн, пало санитарно культура, пало пролыджяибэ санитарно-осастякирибнытко мероприятияэ дро быто и про производство. Пало прогэнэ дэшупандж бэрша амэ дорэстям дрэван барэ успехи дро рэндо пиро осастякирибэ бутякирибэ тэ быто. Индустриализация и обкхэтаниякирибэ гавитко хулаибэн дрэ амари рига создынэ зоралы основа ваш пирикэрибэн амаро быто, ваш пиривоспитанийэ амэн кокорэн.

Дрэ сарэ области пиро соцыалистическо строительство прилэна хачкирдо участийэ кокорэ бутитка, а кхэтанэ лэнца и бутитка рома.

Марибэн э блатаса, марибэ пало жужыпэн тэрдёла екхэ участкоса марибэ пало соцыализмоскиро строительство.

Акакана условия дро бутякирибэ быто и бутитконэ ромэн кэрдяпэ баро спаруибэн.

Материально и культурно бутитконэнгиро уровнэ сыр дро форо, адякэ и дро гав бэрш бэршэстыр газдэлапэ. Нэ пхурано наследийэ —

блата и заразна насвалыпэна, а адыкэ жэ и
э гэр, инке пхэрдэс на хаськирдэ.

Акакана амэ тховаса пэскэ задыбэн и ма-
рибэ пало санитарно минимумо, ваврэ ла-
вэнца тэ пхэнэс, марибэ пало сама трэбима
условию жужыпэн и культурность, би сос-
киро нашты тэ утховэс зорало быто, нашты
тэ марэспэ пало пирикэрибэ хулаибэн, пало
соцыализмо.

Амэнгэ трэби тэ кэрас усилиё и сыгэдыр
тэ даспэ ангил дрэ адава рэндо. Трэби/пхэр-
дэс тэ 'хаськирэс блата и саро на лачипэн,
со розлыджино сы на культурностятыр. Трэби
тэ осыкавэс самодеятельность дро марибэн
пало санитарно культура. Трэби тэ пролыд-
жяс сарэ энергияса и нартымаса санитарно
минимумо.

Отэнчя кхэтанэ бут ваврэ насвалыпнанца
хасёла окончательнэс и э гэр дрэ амари риг,
а адыкэ жэ и машкир бутитконэ ромэндэ.

Со сы чиндло

Гэр	3
Состыр кэрэлапэ гэр	8
Сыр роскхувэлапэ гэр	10
Сыр насвалёна гэраса	14
Сыр тэ зракхэс пэс гэратыр	16
Сыр тэ састякирэс гэр	18
Со трэби тэ джинэс, со бы тэ уракхэспэадалэ насвалылнастыр	20

Редактор *Таранов*

Техред *А. Троицкая*

Уполномоч. Главлита Б-30646 Мелгиз 179 МД 6 Тираж 500
Формат 62×94/₃₄ печ. л. $\frac{3}{8}$ Зн. в 1 п. л. 32000 Сдана в тип.
8/VI-33 г. Подпис. к печ. 23/XI-33 г. Заказ 902

17-я фабр. нацкниги ОГИЗ'а РСФСР треста «Полиграфкниг»
Москва, Щюзовая наб., д. № 10.

81-1

Тимин 6 гасп.
Цена коп.

42078

Цыг.

1-18

Ч Е С О Т К А

Перевод
М. БЕЗЛЮДСКОГО

На цыганском языке



ГОСУДАРСТВЕННОЕ
МЕДИЦИНСКОЕ ИЗДАТЕЛЬСТВО
Москва — 1933 — Ленинград